

ČLANCI I DRUGI SASTAVNI DIJELOVI

<p>1.01 Izvorni naučni članak</p> <p>Izvorni naučni članak je samo prva objava originalnih istraživačkih rezultata u takvom obliku da istraživanje može da se ponovi, a utvrđene činjenice provjere. Po pravilu je organiziran po shemi IMRAD (Introduction, Methods, Results And Discussion) za eksperimentalna istraživanja ili na deskriptivan način za deskriptivna naučna područja. Mora da bude objavljen u naučnom časopisu sa recenzentskim sistemom prihvatanja članaka i recenziran. Recenzentski sistem mora biti vidljiv iz uputstava za autore.</p> <p>Izlaganja na konferenciji, čak i onda kada su objavljena u naučnom časopisu, ne svrstavamo u ovu kategoriju, već u kategoriju 1.06 ili 1.08. Izuzetak su članci koji su, nakon konferencije po pozivu uredništva časopisa, napisani posebno za redovni broj časopisa i koji su prihvaćeni za objavljivanje po istim recenzentskim kriterijumima i postupcima kao i članci u redovnom broju časopisa, te odgovaraju definiciji za kategoriju 1.01.</p>
<p>1.02 Pregledni naučni članak</p> <p>Pregledni naučni članak je pregled najnovijih djela o određenom predmetnom području, djela pojedinog istraživača ili grupe istraživača sa ciljem da se već publikovane informacije sažmu, analiziraju, evaluiraju ili sintetizuju. Donosi nove sinteze koje takođe uključuju rezultate sopstvenog istraživanja autora. Mora biti objavljen u naučnom časopisu sa recenzentskim sistemom prihvatanja članaka i recenziran. Recenzentski sistem mora biti vidljiv iz uputstava za autore.</p> <p>Izlaganja na konferenciji, čak i onda kada su objavljena u naučnom časopisu, ne svrstavamo u ovu kategoriju, već u kategoriju 1.06 ili 1.08. Izuzetak su članci koju su, nakon konferencije po pozivu uredništva časopisa, napisani posebno za redovni broj časopisa i koji su prihvaćeni za objavljivanje po istim recenzentskim kriterijumima i postupcima kao i članci u redovnom broju časopisa, te odgovaraju definiciji za kategoriju 1.02.</p>
<p>1.03 Kratki naučni članak</p> <p>Kratki naučni prilog je izvorni naučni članak kod kojeg neki elementi sheme IMRAD mogu biti izostavljeni. Ukratko sažima rezultate završenog izvornog istraživačkog djela ili djela koje je još u toku. Ovdje spadaju i kratki pregledi (mini review) i prethodne objave, ako imaju značaj kratkog naučnog priloga.</p> <p>Izlaganja na konferenciji, čak i onda kada su objavljena u naučnom časopisu, ne svrstavamo u ovu kategoriju, već u kategoriju 1.06 ili 1.08. Izuzetak su članci koju su, nakon konferencije po pozivu uredništva časopisa, napisani posebno za redovni broj časopisa i koji su prihvaćeni za objavljivanje po istim recenzentskim kriterijumima i postupcima kao i članci u redovnom broju časopisa, te odgovaraju definiciji za kategoriju 1.03.</p> <p>Kratka izlaganja na konferenciji, čak i onda kada su objavljena u naučnom časopisu, ne svrstavamo u ovu kategoriju, već u kategoriju 1.10 ili 1.12.</p> <p>Komentare uz članak (npr. u obliku pisma uredništvu) ne uvrštavamo u ovu kategoriju, već u kategoriju 1.21, osim u slučaju kada sadrže i sopstvene rezultate istraživanja i odgovaraju definiciji za kategoriju 1.03.</p>

<p>1.04 Stručni članak</p> <p>Stručni članak je prikaz već poznatog, s naglaskom na upotrebljivosti rezultata izvornih istraživanja i širenju znanja, a zahtevnost teksta prilagođena potrebama korisnika i čitaoca stručnog ili naučnog časopisa u kojem je objavljen.</p> <p>Izlaganja na konferenciji, čak i onda kada su objavljena u stručnom ili naučnom časopisu, ne svrstavamo u ovu kategoriju, već u kategoriju 1.07 ili 1.09.</p>
<p>1.05 Popularni članak</p> <p>Popularni članak je članak za popularizaciju naučnih ili stručnih spoznaja i društvene uloge istraživačke i razvojne djelatnosti. Popularni članci po pravilu se objavljuju u opštim časopisima i novinama, te drugim časopisima za popularizaciju znanja.</p> <p>Izlaganja na konferenciji, čak i onda kada su objavljena u stručnom ili naučnom časopisu, ne svrstavamo u ovu kategoriju, već u kategoriju 1.07 ili 1.09.</p>
<p>1.06 Objavljeno naučno izlaganje na konferenciji (pozvano predavanje)</p> <p>Pozvano predavanje mora biti vidljivo iz publikacije ili programa konferencije, te mora odgovarati kriterijumima za kategoriju 1.08.</p> <p>Pozvano predavanje se po značaju razlikuje od svih drugih predavanja na istoj konferenciji. Ovdje svrstavamo samo uvodna/zaključna pozvana plenarna predavanja koja su u zborniku obično navedena u posebnoj rubrici (npr. invited lectures). Rutinske pozive za saradnju na konferenciji ne svrstavamo u ovu kategoriju.</p>
<p>1.07 Objavljeno stručno izlaganje na konferenciji (pozvano predavanje)</p> <p>Pozvano predavanje mora biti vidljivo iz publikacije ili programa konferencije, te mora odgovarati kriterijumima pod 1.09.</p> <p>Pozvano predavanje se po značaju razlikuje od svih drugih predavanja na istoj konferenciji. Ovdje svrstavamo samo uvodna/zaključna plenarna predavanja koja su u zborniku obično navedena u posebnoj rubrici (npr. invited lectures). Rutinske pozive za saradnju na konferenciji ne svrstavamo u ovu kategoriju.</p>
<p>1.08 Objavljeno naučno izlaganje na konferenciji</p> <p>Objavljeno naučno izlaganje na konferenciji (predavanje, referat, poster) u cjelini objavljeno u samostalnom zborniku konferencije, u naučnom časopisu ili na web sajtu konferencije, odnosno organizatora konferencije. Objavljeno izlaganje mora biti barem u načelu organizirano kao naučni članak.</p> <p>Recenzija po kriterijumima za izvorne/pregledne naučne članke, odnosno samostalne naučne sastavne dijelove u monografijama, utvrđuje se prema tipologiji zbornika konferencije koji može biti samostalna monografska publikacija, redovan ili poseban broj časopisa, dodatak ili izvor na internetu.</p> <p>Sažetke i proširene sažetke, ili objavljene prozirnice, ne svrstavamo u ovu kategoriju (vidi kategoriju 1.12).</p>

<p>1.09 Objavljeno stručno izlaganje na konferenciji</p> <p>Objavljeno stručno izlaganje na konferenciji (predavanje, referat, poster) u cjelini objavljeno u samostalnom zborniku konferencije, u stručnom (ili naučnom) časopisu ili na web sajtu konferencije, odnosno organizatora konferencije.</p> <p>Sažetke i proširene sažetke, ili objavljene prozirnice, ne svrstavamo u ovu kategoriju (vidi kategoriju 1.13).</p>
<p>1.10 Objavljeni sažetak naučnog izlaganja na konferenciji (pozvano predavanje)</p> <p>Pozvano predavanje mora biti vidljivo iz publikacije ili programa konferencije, te mora odgovarati kriterijumima za kategoriju 1.12.</p> <p>Pozvano predavanje se po značaju razlikuje od svih drugih predavanja na istoj konferenciji. Ovdje svrstavamo samo uvodna/zaključna pozvana plenarna predavanja koja su u zborniku obično navedena u posebnoj rubrici (npr. invited lectures). Rutinske pozive za saradnju na konferenciji ne svrstavamo u ovu kategoriju.</p>
<p>1.11 Objavljeni sažetak stručnog izlaganja na konferenciji (pozvano predavanje)</p> <p>Pozvano predavanje mora biti vidljivo iz publikacije ili programa konferencije, te mora odgovarati kriterijumima za kategoriju 1.13.</p> <p>Pozvano predavanje se po značaju razlikuje od svih drugih predavanja na istoj konferenciji. Ovdje svrstavamo samo uvodna/zaključna pozvana plenarna predavanja koja su u zborniku obično navedena u posebnoj rubrici (npr. invited lectures). Rutinske pozive za saradnju na konferenciji ne svrstavamo u ovu kategoriju.</p>
<p>1.12 Objavljeni sažetak naučnog izlaganja na konferenciji</p> <p>Sažetak izlaganja (predavanja, referata, postera) na konferenciji koji je objavljen u zborniku konferencije ili u naučnom, odnosno stručnom časopisu, ili na web sajtu konferencije, odnosno organizatora konferencije.</p> <p>Ovdje spadaju i prošireni sažeci i objavljene prozirnice.</p>
<p>1.13 Objavljeni sažetak stručnog izlaganja na konferenciji</p> <p>Sažetak izlaganja (predavanja, referata, postera) na konferenciji koji je objavljen u zborniku konferencije ili u naučnom, odnosno stručnom časopisu, ili na web sajtu konferencije, odnosno organizatora konferencije.</p> <p>Ovdje svrstavamo i proširene sažetke i objavljene prozirnice.</p>
<p>1.16 Samostalni naučni sastavni dio ili poglavlje u monografskoj publikaciji</p> <p>Samostalni naučni sastavni dio ili poglavlje u monografskoj publikaciji obrađuje se kao posebna bibliografska jedinica samo u slučaju kada je riječ o tzv. uredničkoj publikaciji sa samostalnim prilogima pojedinih autora, a ne o integralnom tekstu više autora navedenih takođe i na naslovnoj strani monografije. Ovdje svrstavamo i izvorne naučne geografske karte ako predstavljaju autorski prepoznatljiv samostalni prilog.</p> <p>U ovu kategoriju ne svrstavamo izlaganja na konferencijama koja su objavljena u zborniku konferencije, u tematskom ili posebnom broju časopisa, te sastavne dijelove ili poglavlja u publikacijama kategorije 2.04, 2.05, 2.12, 2.13 i 2.14.</p>

1.17 Samostalni stručni sastavni dio ili poglavlje u monografskoj publikaciji
Samostalni stručni sastavni dio ili poglavlje u monografskoj publikaciji obrađuje se kao posebna bibliografska jedinica samo u slučaju kad je riječ o tzv. uredničkoj publikaciji sa samostalnim prilogima pojedinih autora, a ne o integralnom tekstu više autora navedenih takođe i na naslovnoj strani monografije. Ovdje svrstavamo i stručne geografske karte ako predstavljaju autorski prepoznatljiv samostalni prilog. U ovu kategoriju ne svrstavamo izlaganja na konferencijama koja su objavljena u zborniku konferencije, u tematskom ili posebnom broju časopisa, te sastavne dijelove ili poglavlja u publikacijama kategorije 2.05, 2.12, 2.13 i 2.14.
1.18 Stručni sastavni dio u rječniku enciklopediji ili leksikonu
Sastavni dio sadrži stručno zasnovan sistematičan pregled i prikaz određene teme, problema, predmeta, riječi, ličnosti ili događaja, obično sa objašnjenjima. Sastavni dio mora biti duži od 200 riječi, jer ga u suprotnom svrstavamo u kategoriju 1.25. Ovdje svrstavamo samo potpisane sastavne dijelove.
1.19 Recenzija, prikaz knjige, kritika
Prilog u naučnoj ili stručnoj publikaciji (časopisu, knjizi itd.), u kojem autor ocjenjuje ili dokazuje pravilnost/nepravilnost nekog naučnog ili stručnog rada, kriterijuma, mišljenja ili utvrđene činjenice i/ili pobija/podržava/ocjenjuje utvrđene činjenice, radove ili mišljenja drugih autora. Prikaz stručnog mišljenja, mišljenja o naučnom, stručnom ili umetničkom djelu, naročito s obzirom na njegov kvalitet.
1.20 Predgovor, propratna riječ
Kratki tekst ispred ili iza glavnog teksta koji govori o tom tekstu i o njegovom autoru. Bibliografski se ne obrađuju pozdravne riječi, zahvalnice i sl. Uvodne ili propratne studije od naučnog ili stručnog značaja, možemo svrstati u kategoriju 1.16 ili 1.17.
1.21 Polemika, diskusioni prilog, komentar
Prilog u kojem autor dokazuje pravilnost određenog kriterijuma, svog mišljenja ili utvrđene činjenice i pobija konstatacije ili mišljenja drugih autora.
1.22 Intervju
Javnosti namijenjen razgovor o naučno ili stručno relevantnim temama, koji je objavljen pretežno u obliku pitanja i odgovora. Priloge, koji nastaju na osnovu odgovora na pitanja, a nisu objavljeni u obliku pitanja i odgovora, kao i pojedinačne izjave, izlaganja na okruglom stolu i ankete, ne svrstavamo u ovu kategoriju.
1.23 Umetnički sastavni dio
Poezija, proza, kompozicije i drugi umetnički sastavni dijelovi nekog zaključenog opusa.
1.24 Bibliografija, indeks i sl.
1.25 Drugi sastavni dijelovi

1.26 Naučni sastavni dio u rječniku, enciklopediji, leksikonu

Sastavni dio sadrži naučno zasnovan, sistematičan pregled ili prikaz određene teme, problema, predmeta, riječi, osobe ili događaja, obično sa objašnjenjima, koji je, po pravilu, dio osnovnog naučnog rječnika, leksikona (kategorija 2.26) ili naučnog terminološkog rječnika, enciklopedije, tematskog leksikona (kategorija 2.27), a takođe i stručnog rječnika, enciklopedije, leksikona (kategorija 2.06).

Ovde svrstavamo samo potpisane sastavne dijelove.

MONOGRAFIJE I DRUGA ZAKLJUČENA DJELA

<p>2.01 Naučna monografija</p> <p>Naučna monografija je publikacija u kojoj se naučno, sistematično, iscrpno i sveobuhvatno tretira neki problem, pitanje ili predmet, ličnost ili događaj, u jednoj svesci, odnosno u određenom broju svezaka, koje se objavljuju istovremeno ili u unapred određenom vremenskom periodu. Publikacija mora biti recenzirana i mora imati sve propisane elemente za dobijanje CIP-a i ISBN-a (ISMN-a). Ovdje svrstavamo i naučne geografske karte. Naučno-kritička izdanja izvora, koja obuhvataju reprodukciju, prepis ili prijevod istorijskog izvora, svrstavamo u kategoriju 2.28, a naučne rječnike, enciklopedije ili leksikone u kategoriju 2.26 ili 2.27.</p> <p>Zbornike konferencija, zaključne i druge izvještaje o radu na istraživačkim zadacima i projektima itd. ne svrstavamo u ovu kategoriju. Ovdje takođe ne svrstavamo ni doktorske disertacije koje su naknadno objavljene kao naučne monografije, ako u sadržaju rada nema dopuna/promjena.</p>
<p>2.02 Stručna monografija</p> <p>Stručna monografija je publikacija u kojoj se stručno tretira neki problem, pitanje ili predmet, ličnost ili događaj, u jednoj svesci, odnosno u određenom broju svezaka koje se objavljuju istovremeno ili u unapred određenom vremenskom periodu. Publikacija mora da ima sve propisane elemente za dobijanje CIP-a i ISBN-a.</p> <p>Zbornike konferencija, zaključne i druge izvještaje o radu na istraživačkim zadacima i projektima itd. (čak i u povezanom obliku), ne svrstavamo u ovu kategoriju.</p>
<p>2.03 Univerzitetski ili visokoškolski udžbenik, ili udžbenik za višu školu s recenzijom</p> <p>Univerzitetski ili visokoškolski udžbenik, ili udžbenik za višu školu je vrsta publikacije koja je namijenjena studentima kao propisana nastavna građa za određeni studijski smjer ili predmet (npr. udžbenik algebre, praktikum).</p>
<p>2.04 Srednjoškolski, osnovnoškolski ili drugi udžbenik s recenzijom</p> <p>Udžbenik za osnovne i srednje škole, te drugo preduniverzitetsko obrazovanje, koji je priređen u skladu s propisanim nastavnim planom i programom i prihvaćen po odgovarajućem postupku.</p>
<p>2.05 Ostala nastavna građa</p> <p>Sistematska obrada nastavnog gradiva po studijskom programu koju autor priprema po svojoj ili tuđoj građi (beleške predavanja, sabrana građa, skripta), zbirka vježbi i zadataka za određeni predmet te druga nastavna pomagala (npr. zvučna građa, multimedijske nastavne jedinice ...).</p>
<p>2.06 Rječnik, enciklopedija, leksikon, priručnik, atlas, geografska karta</p> <p>Publikacija opšteg ili stručnog značaja, koja na pregledan način obuhvata podatke i uputstva za određeno područje ili predmet.</p>
<p>2.07 Bibliografija</p> <p>Uređen pregled objavljenih i/ili izvedenih radova koji je objavljen kao monografija.</p>
<p>2.08 Doktorska disertacija</p> <p>Doktorska disertacija je rad na osnovu kojeg je autor stekao naziv doktora nauka.</p>

2.09 Magistarski rad
Magistarski rad je rad na osnovu kojeg je autor stekao naziv magistra nauka ili naziv magistra prema bolonjskom studijskom programu.
2.10 Specijalistički rad
Specijalistički rad je rad na osnovu kojeg je autor stekao naziv specijaliste.
2.11 Diplomski rad
Diplomski rad je rad na osnovu kojeg je autor stekao stručni naziv.
2.12 Završni izvještaj o rezultatima istraživanja
Publikacija koja prikazuje tok i rezultate (spoznaje, otkrića) naučno-istraživačkog ili razvojno-istraživačkog zadatka. Ovdje spadaju samo završni, odnosno zaključni izvještaji koji su javno dostupni. Privremeni, fazni i godišnji izvještaji, te administrativni izvještaji za financijere, se ne evidentiraju.
2.13 Elaborat, predstudija, studija
Izvještaj o izvedenom projektnom zadatku kao zaključena stručna publikacija, odnosno dokumentacija namijenjena poznatom korisniku, u kojoj je sistematski i iscrpno obrađen neki problem ili tema na osnovu relevantnih izvora informacija, te date smjernice za rješavanje problema i predlozi za dalji rad.
2.14 Projektna dokumentacija (idejni projekat, izvodački projekat)
Projekat može biti zaključena publikacija koja određuje šta treba učiniti i kako, odnosno zbirka nacarta, tehničkih opisa i troškovnika za neki objekat (npr. projekat puta, zgrade u građevinarstvu i arhitekturi, mašine u mašinstvu, informacijskog sistema, investicijski projekat u ekonomiji i sl.).
2.15 Mišljenje vještaka, arbitražno rješenje
2.16 Umetničko djelo
Poezija, proza, kompozicije, filmovi, slike i druga umetnička djela.
2.17 Katalog izložbe
2.18 Istraživački ili dokumentarni film, zvučna ili video publikacija
Objava naučnih problema i rezultata na filmskoj ili magnetskoj traci, ili na drugom elektronskom nosiocu informacija. Reklamne filmove, prezentacije preduzeća, video snimke predavanja itd. ne svstavamo u ovu kategoriju.
2.19 Radio ili televizijska emisija
Radio ili televizijska emisija koja na stručno zasnovan način obrađuje određeni sadržaj. Obrada se vrši na osnovu predloženog snimka, inače je kao događaj svrstavamo u kategoriju 3.11.

<p>2.20 Zaključena naučna zbirka podataka ili korpus</p> <p>Elektronska zbirka podataka čiji se naučni značaj pokazuje u njenoj primenljivosti u istraživanju širokog spektra aplikativnih ili teorijski osmišljenih problema. Zbirka podataka mora da bude rezultat zaključenog istraživanja i mora da odgovara visokim kriterijumima kvaliteta koji se ocjenjuje na osnovu iscrpne prateće dokumentacije. Zbirka podataka mora biti javno dostupna u nacionalnom ili međunarodnom naučnom arhivu podataka. Zbirka podataka mora biti dokumentirana i dostupna u obliku koji omogućuje ponavljanje objavljenih naučnih činjenica izvedenih na osnovu nje.</p> <p>Korpus je jedinstvena standardno označena i interno strukturisana zbirka autentičnih tekstova, koja je nastala po unapred određenim merilima i sa određenim ciljem, a koja je dostupna u elektronskom obliku i opremljena alatima koji omogućuju višeslojno pretraživanje i statističku obradu podataka.</p>
<p>2.21 Programska oprema</p> <p>Programska oprema na računarskom mediju koja je javno dostupna ili izrađena za poznatog naručioca i predstavlja autorski prepoznatljiv samostalni rad. Ne evidentira se programska oprema za podršku informacijskim sistemima ili procesima kod koje je autorstvo po pravilu korporativno.</p>
<p>2.22 Nova sorta</p> <p>Nova sorta biljaka predstavlja intelektualno vlasništvo. Dokazuje se odlukom o potvrđivanju, odnosno zaštiti sorte, koju izdaje nadležni državni organ na osnovu međunarodno uporedivih rezultata PUN (Prepoznatljivost-Ujednačenost-Nepromenljivost) dobijenih testiranjem u institucijama koje su priznate na nivou EU; nova sorta mora biti upisana u Zajednički katalog sorti EU.</p>
<p>2.23 Patentna prijava</p> <p>Status patentne prijave ima zahtjev za dodjelu patenta od podnošenja do dodjele i objave patenta u službenom glasniku nadležnog zavoda za zaštitu industrijske svojine. Zavod podnosiocu prijave izdaje potvrdu o prihvaćenom zahtjevu. Za isti pronalazak u bibliografiju se unosi samo jedna patentna prijava.</p>
<p>2.24 Patent</p> <p>Patent je zaštićeni pronalazak. Patent se dodjeljuje s danom objave patenta u službenom glasniku nadležnog zavoda za zaštitu industrijske svojine. Patent se dokazuje odlukom o dodjeli patenta ili njegovom objavom na internetu (ESPACENET). Kada je patent dodjeljen, zapis o patentnoj prijavi (2.23) se mora brisati!</p> <p>Ako je za isti pronalazak u različitim državama dodjeljeno više patenata, koji su članovi iste porodice patenata, može se vrednovati samo jedan zapis (po izboru pronalazača ili podnosioca prijave). Sve druge treba izdvojiti iz bodovanja. Izuzetak su dodjeljeni patenti sa bitnom promjenom osnovnog pronalaska.</p>
<p>2.25 Ostale monografije i druga zaključena djela</p>

<p>2.26 Temeljni naučni rječnik ili leksikon</p>
<p>Ovde svrstavamo leksikografska djela koja zadovoljavaju sve navedene kriterijume: (1) imaju zahtjevan i stručno utemeljen koncept, (2) izvire iz iscrpne ili u velikoj mjeri sakupljene građe, (3) imaju visoki stepen polazne sređenosti građe, (4) su proizvod grupnog rada, jer je za njihovu izradu potrebno bar 70 čovjek/godina rada, (5) iscrpno ili u visokoj mjeri uvažavaju relevantnu literaturu, (6) donose svestranu analizu građe na visokom stručnom nivou, (7) iscrpno su ili u visokoj mjeri informativna, (8) donose veći broj novih jezičkih znanja ili utvrđuju druge značajne novine, (9) uključuju samo ručno, od strane čovjeka interpretirane podatke (mašinski generirani podaci mogu biti uključeni samo izuzetno, i to samo kao dodatni sadržaji) koji su (bar u polazno) zasnovani, odnosno interpretirani, za ljudskog korisnika, (10) da podatke prikazuju na način koji je utvrđen u savremenoj naučnoj terminologiji (eventualne nove pristupe adekvatno moraju oceniti, kako korisnici tako i stručnjaci), pri čemu svi (potencijalni) segmenti rječnika moraju biti zasnovani na koherentnom konceptu koji proizilazi iz iste jezičke logike, te da iste nedoumice rješavaju na sličan način, (11) imaju sve adekvatne prateće tekstove i (12) imaju veliki značaj u nacionalnom i internacionalnom okviru.</p>
<p>2.27 Naučni terminološki rječnik, enciklopedija ili tematski leksikon</p>
<p>Ovde svrstavamo leksikografska djela koja zadovoljavaju bar devet od dvanaest kriterijuma koji su nabrojani u okviru kategorije 2.26. Osim toga, terminološki rječnici moraju ispoljavati normativnost ili bar nastojati da standardiziraju izraze.</p>
<p>2.28 Naučno-kritičko izdanje izvora</p>
<p>Naučno-kritičko izdanje izvora obuhvata reprodukciju i/ili prepis i/ili prijevod istorijskog izvora (npr. tekstualne, notne, likovne i kartografske građe), te više od 2 autorska tabaka naučnog aparata (kritičke i/ili sadržinske napomene, literaturu i studiju). Publikacija mora biti recenzirana i mora imati sve propisane elemente za dobijanje CIP i ISBN (ISMN).</p>
<p>2.29 Model</p>
<p>Model je pravno zaštićen spoljni izgled proizvoda koji je nov i ima individualnu prirodu. Model je rezultat naučno-istraživačkog rada na području oblikovanja proizvoda i mora odgovarati određenim zahtjevima funkcioniranja, odnosno poboljšanja funkcioniranja proizvoda (Locarnska klasifikacija).</p> <p>Model se opisuje na osnovu izdatog dokumenta o zaštiti modela.</p>
<p>2.30 Zbornik stručnih ili nerecenziranih naučnih radova na konferenciji</p>
<p>2.31 Zbornik recenziranih naučnih radova na međunarodnoj ili stranoj konferenciji 2.32 Zbornik recenziranih naučnih radova na domaćoj konferenciji</p>
<p>Zbornik recenziranih naučnih radova na konferenciji koji su recenzirani po kriterijumima za izvorne/pregledne naučne članke, odnosno samostalne sastavne dijelove u monografijama. Zbornik može biti samostalna monografska publikacija, redovan ili poseban broj časopisa, suplement ili izvor na internetu. Iz navoda u publikaciji ili na neki drugi način mora biti dokazivo da su radovi adekvatno recenzirani. Domaća konferencija se tretira kao međunarodna kada je najmanje 1/3 učesnika iz inostranstva. Pri tom se uvažavaju učesnici čiji su radovi objavljeni u zborniku.</p>

IZVEDENI RADOVI (DOGAĐAJI)

3.10 Umjetničko izvođenje
Koncerti, pozorišne i operске predstave, te druga javna izvođenja umetničkih djela.
3.11 Radio ili TV događaj
Učešće u radio ili televizijskim vestima, prikazima, razgovorima i sl.
3.12 Izložba
Priredba koju organizira autor izloženih djela ili autor postavke.
3.14 Predavanje na stranom univerzitetu
Predavanje na univerzitetu, naučnoj odnosno akademskoj instituciji i naučnim udruženjima van Srbije. Duža gostovanja na stranim univerzitetima svrstavamo u biografiju.
3.15 Izlaganje na konferenciji bez štampanja
Naslov izlaganja mora biti vidljiv iz programa konferencije.
3.16 Pozvano predavanje na konferenciji bez štampanja
Pozvano predavanje mora biti vidljivo iz programa konferencije. Pozvano predavanje se po značaju razlikuje od svih drugih predavanja na istoj konferenciji. U kategoriju 3.16 svrstavamo samo uvodna/zaključna pozvana plenarna predavanja. Rutinske pozive za saradnju na konferenciji ne svrstavamo u ovu kategoriju.
3.25 Drugi izvedeni radovi

DODATNA OBJAŠNJENJA I UPUTSTVA

Bibliografske zapise u sistemu COBISS kreiraju za to osposobljeni katalogizatori u bibliotekama. Članci i drugi sastavni dijelovi, te monografije i druga zaključena djela, obrađuju se na osnovu primarnog dokumenta/djela. Izvedena djela (događaji) evidentiraju se na osnovu odgovarajućeg dokaza o izvedenom djelu. Ako publikacija nije dostupna u biblioteci, katalogizatoru mora da je dostavi autor. Za pravilno razvrstavanje (klasifikaciju) bibliografskih jedinica po ovoj tipologiji primarno su odgovorni autori, a tip dokumenta/djela može da odredi i ekspert za predmetnu oblast.

Tip članka se utvrđuje na osnovu:

- podatka o tipu koji je po pravilu u zaglavlju članka;
- podatka da časopis objavljuje samo članke određenog tipa, što uredništva po pravilu objavljuju u uputstvu autorima;
- naziva rubrike u kojoj je objavljen članak, ako je časopis podijeljen na takav način.

U drugim slučajevima katalogizator u saradnji sa autorom ili ekspertom za predmetnu oblast određuje tip dokumenta/djela u skladu sa opisom tipa dokumenta/djela u ovoj tipologiji. **O izuzecima kod svih tipova odlučuje državna ustanova nadležna za nauku.**

Zapisi za sastavne dijelove u publikacijama koje su još u štampi (npr. zapisi za članke u časopisima i zapisi za poglavlja u monografijama), u sistemu COBISS se po pravilu ne kreiraju.

Izuzeci

- Članci koji ispunjavaju sva tri uslova:
 - članak je prihvaćen za objavljivanje;
 - na web stranici izdavača već je objavljen kompletan tekst članka;
 - članku je dodijeljen identifikator DOI.
- Poglavlja u monografijama koja ispunjavaju sva tri uslova:
 - na web stranici izdavača objavljen je kompletan tekst poglavlja;
 - poglavlju, odnosno monografiji, dodijeljen je identifikator DOI;
 - na web stranici izdavača mora biti dovoljno podataka o monografiji da bi katalogizator mogao kreirati novi zapis.

Za sastavne dijelove, koji ispunjavaju navedene uslove, katalogizatori kreiraju prethodni nepotpuni zapis.

Pre kreiranja prethodno nepopotpunih zapisa istraživači su dužni da upozore katalogizatore da li je riječ o izlaganju na konferenciji koje će biti objavljeno u časopisu.

Nepotpune zapise katalogizatori mogu da dopune tek nakon izlaska časopisa ili monografije, na šta ih istraživači moraju upozoriti. Tipologija neće biti verificirana dok zapisi ne budu potpuni.

Kada treba kreirati veći broj zapisa, jer se isti sadržaj pojavljuje na više različitih medija ili u više različitih publikacija, u bodovanju se uvažava samo jedan zapis (ostali se izdvajaju iz bodovanja). To važi kod monografija koje izlaze u štampanom i elektronskom obliku, zatim kod diplomskih radova koji su naknadno objavljeni (npr. radovi za Prešernovu nagradu), kod članaka koji su (greškom) objavljeni u dva broja istog časopisa i slično.

U sistemu COBISS važi:

- da se kreira samo jedan zapis za jednu od verzija, ako postoje štampana i elektronska verzija članka;

- da se kreira samo jedan zapis, ako je članak objavljen u istoj publikaciji u originalu i prijevodu;
- da se ne kreiraju zapisi za organiziranje događaja i dodjeljivanje nagrada, jer takvi podaci spadaju u biografije.